

西漢會要

二

西漢會要卷第一

從事郎前撫州州學教授臣



帝系一

帝號

豐公大上皇父也春秋晉史蔡墨有言陶唐氏既衰其後有劉累學擾龍事孔甲范氏其後也而大夫范宣子亦曰祖自虞以上爲陶唐氏在夏爲御龍氏在商爲豕韋氏在周爲唐杜氏晉主夏盟爲范氏范氏爲晉士師魯文公世奔秦後歸于晉其處者爲劉氏劉向云戰國時劉氏自秦獲於魏秦滅魏遷大梁都于豐故周市說雍齒曰豐故梁徙也是以頌高祖云漢帝本系出自唐帝降及于周在秦作劉涉魏而東遂爲豐公豐公蓋大上皇父其遷日淺墳墓在豐鮮焉及高祖即位置祠祀官則有秦晉梁荆之巫世祠天地綴之以祀豈不信哉由是推之漢承堯運德祚已盛斷蛇著符旗幟上赤協于火德自然之應得天統矣

大上皇高帝父太公也漢六年夏五月詔曰人之至親莫親於父子故父有天下傳歸於子子有天下尊歸於父此人道之極也前日天下大亂兵革並起萬民若殃朕親被堅執銳自帥士卒犯危難平暴亂立諸侯偃兵息民天下大安此皆太公之教訓也諸王

通侯將軍羣卿大夫已尊朕為皇帝而大公未有號
今上尊大公曰大上皇十年秋七月大上皇崩葬萬
年

大祖高皇帝諱邦之字沛豐邑中陽里人姓劉氏

後追尊曰昭靈后高祖為人隆準而龍顏羨須髯左股有七

十二黑子寬仁愛人意豁如也及壯試吏為泗上亭

長秦二世元年立為沛公漢元年立為漢王五年二

月甲午即皇帝位于汜水之陽十二年夏四月甲辰

帝崩于長樂宮五月丙寅葬長陵羣臣曰帝起細微

撥亂世反之正平定天下為漢大祖功最高上尊號

曰高皇帝著紀十二年壽五十三謚謚法無高以功高特之名

丞相相國蕭何

太尉盧綰周勃

御史大夫周苛周昌趙堯

孝惠皇帝諱盈之字高祖太子也母曰呂皇后帝年五歲

高祖初為漢王二年立為太子五年為皇太子十二

年四月高祖崩五月丙寅即皇帝位明年改元七年

秋八月戊寅帝崩于未央宮九月辛丑葬安陵著紀七年

壽二十四謚柔質慈氏曰惠

相國蕭何曹參

右丞相王陵

左丞相陳平

太尉 周勃

御史大夫 趙堯

高皇后呂氏諱雉

之字曰野雉

父單父人呂公好相人見

高祖狀貌因重敬之呂公曰臣少好相人相人多矣

無如季相願季自愛臣有息女願為箕帚妾呂媪怒

呂公曰公始常欲竒此文與貴人沛令善公求之不

與何自妄許與劉季呂公曰此非兒女子所知卒與

高祖生孝惠帝魯元公主高帝五年尊王后曰皇后

惠帝即位尊為皇太后太后立帝姊魯元公主女為

皇后無子取後宮美人子名之以為太子惠帝崩大

子立為皇帝年幼太后臨朝稱制四年少帝自知非

二二四下田二

西漢會通卷一

三

白

皇后子出怨言皇太后幽之永巷五月丙辰立常山

王弘為皇帝八年七月辛巳皇太后崩于未央宮既

誅諸呂大臣相與陰謀以為少帝及三弟為王者皆

非孝惠子復共誅之

著紀八年

大傅 王陵 審食其

右丞相 陳平

左丞相 審食其

御史大夫 任敖 曹窋 張蒼

太宗孝文皇帝諱亘 字常 高祖中子也 母曰薄姬 高祖十

一年立為代王十七年秋高后崩 張晏曰代王 大臣

迎代王入代邸羣臣從至上議曰丞相陳平等再拜

言大王足下子弘等皆非孝惠皇帝子不當奉宗廟
大王高皇帝子宜為嗣願大王即天子位代王西鄉
遜者三南鄉遜者再丞相平等奉天子璽符再拜上
代王遂即天子位後七年夏六月己亥帝崩于未央
宮乙巳葬霸陵著紀二十三孝景元年申屠嘉等奏
德莫盛於孝文皇帝宜為帝者大宗之廟制曰可

謚慈惠愛
民曰文

改元前十六年 後七年

丞相 陳平 周勃 灌嬰 張蒼 申屠嘉

大尉 灌嬰

御史大夫 張蒼 園 馮敬 申屠嘉 陶青

孝景皇帝諱啓之字文帝太子也母曰竇文帝元年

正月立為皇太子後七年六月文帝崩丁未即皇帝

位後三年正月甲子帝崩于未央宮二月癸酉葬陽

陵著能十六年
壽四十六謚布義行
剛曰景

改元前七年 中六年 後三年

丞相 申屠嘉 陶青 周亞夫 劉舍 衛綰

大尉 周亞夫

御史大夫 陶青 晁錯 介 劉舍 衛綰 直不疑

世宗孝武皇帝諱徹之字景帝中子也母曰王年四

歲立為膠東王七歲為皇太子十六歲後三年正月

景帝崩甲子太子即皇帝位後元二年二月丁巳帝

崩于五祔宮三日 中葬茂陵著紀五 年壽七 孝宣本

始二年詔尊孝武廟為世宗廟 謚威武 敬

年號 建元六年 元光六年 元朔六年 元符六年 元鼎六年 元封六年 太初四年 天漢四年 太始四年 征和四年 後元二年

丞相 寶慶 嚴青翟 許昌 田蚡 薛澤 公孫弘 李蔡

太尉 田蚡 趙周 石慶 公孫賀 劉屈氂 田千秋

大司馬 衛青 霍去病 霍光

御史大夫 牛抵 張歐 趙綰 公孫弘 嚴青翟 韓安國 張蒼 延廣 石慶 王卿 江番孫 李蔡 商丘成 桑弘羊 杜周 兒寬 暴勝之

孝昭皇帝諱弗之字 武帝少子也 母曰趙婕妤 武帝後元

二年二月立為皇太子年八歲以待中奉車都尉

光為大司馬大將軍受遺詔輔少主明日武帝崩戊

辰太子即皇帝位元鳳四年帝加元服元平元年夏

四月癸未帝崩于未央宮六月壬申葬平陵 著紀十三年壽

二十 謚 聖聞周 達曰昭

年號 始元六年 元鳳六年 元平一年

丞相 田千秋 王訢 揚敞 蔡義

大司馬 霍光

御史大夫 桑弘羊 王訢 揚敞 蔡義 田廣明

中宗孝宣皇帝諱詢 之字 武帝曾孫戾太子孫也太

子納史良娣生史皇孫皇孫納王夫人生宣帝號曰

子納史良娣生史皇孫皇孫納王夫人生宣帝號曰

皇曾孫生數月遭巫蠱事太子良娣皇孫王夫人皆
遇害曾孫雖在襁褓猶坐收繫郡邸獄邴吉為廷尉
監曾孫賴吉得全因遭大赦有詔掖庭養視上屬籍
宗正元平元年四月昭帝崩母嗣大將軍霍光請皇
后召昌邑王六月王受皇帝璽綬癸巳光奏王賀淫
亂請廢太后詔曰可光奏議曰孝武帝曾孫病已潜
名操行節儉慈仁愛人可以嗣孝昭皇帝後奏可宗
正德至曾孫尚冠里舍洗沐賜御府衣太僕以軫獵
車奉迎曾孫庚申入未央宮見皇太后封為陽武侯
已而羣臣奏上璽綬即皇帝位元康元年詔更諱詢
黃龍元年冬十二月甲戌帝崩于未央宮著紀二十
五年壽四

三十三 西漢合要下 六

二十初元元年正月辛丑葬杜陵平帝元始四年尊孝

宣廟為中宗 謚聖善周
聞曰宣

年號本始四年
五鳳四年
甘露四年
元康四年
黃龍一年 神爵四年

丞相 蔡義 韋賢 魏相 丙吉 黃霸 于定國

大司馬 霍光 張安世 霍禹 韓增 許延壽

御史大夫 周廣明 丙吉 蕭望之 黃霸 杜延年
于定曰 陳萬年

高宗孝元皇帝諱奭之字
曰盛宣帝太子也母曰共哀
許皇后宣

帝微時生民間年二歲宣帝即位八歲立為太子黃

龍元年十二月宣帝崩癸巳太子即皇帝位竟寧元

年夏五月壬辰帝崩于未央宮秋七日丙戌葬渭陵

著紀十六年 平帝元始四年尊為高宗廟 謚行義
悅民

元曰

年號 初元五年 永光五年 建昭五年 竟寧一年

丞相 于定國 韋元成 康衡

大司馬 史高 王接 許嘉 王鳳

御史大夫 陳萬年 夏禹 薛廣德 韋元成 鄭弘 康衡

孝成皇帝諱驚之字曰俊元帝太子也母曰王皇后元帝在大

子宮生甲觀畫堂為世嫡皇孫宣帝愛之字曰太孫

年三歲而宣帝崩元帝即位帝為太子竟寧元年五

月元帝崩六月己未太子即皇帝位綏和二年三月

丙戌帝崩于未央宮四月己卯葬延陵著紀二十六年壽四十五

謚 安民立政曰成

然然 西漢金匱要卷一

年號 建始四年 永始四年 元平四年 元延四年 陽朔四年 鴻嘉四年 姁和二年

丞相 康衡 王商 張禹 薛宣 翟方進 孔光

大司馬 許嘉 師丹 王鳳 王音 王商 王根 王莽

御史大夫 張譚 尹忠 張忠 王音 于永 薛宣 王駿 翟方進 孔光 何武

大司空 何武 師丹

孝哀皇帝諱欣之字曰喜元帝庶孫定陶恭王子也母曰丁姬

年三歲嗣立為王元延五年立為皇太子綏和二年

三月成帝崩四月丙午太子即皇帝位元壽二年六

月戊午帝崩于未央宮秋九月壬寅葬義陵著紀六年壽二

十謚 恭仁短折曰哀

年號 建平四年 元壽二年

大傅 孔光

丞相 孔光 朱博 平當 孔光

大司徒 馬宮

大司馬 傅喜 王莽 丁明 王嘉 傅晏 韋賞 董賢

大司空 朱博 彭宣 王崇

御史大夫 朱博 趙元 平當 王嘉 王崇 賈延

孝平皇帝諱衍之字曰樂元帝庶孫中山孝王子也母曰衛姬

年二歲嗣立為王元壽二年六月哀帝崩大皇太后

遣車騎將軍王舜大鴻臚左咸使持節迎中山王九

月辛酉中山王即皇帝位帝年九歲大皇太后臨朝

大司馬莽秉政百官總已以聽於莽元始二年更名

大七卷少五

平帝本名箕子今更名衍告祠高廟五年十二月丙午帝崩于未

央宮漢注云帝春秋益壯以母衛太后故怨不悅莽自知益踈篡弒之謀由是生圖到臘日置藥酒

中殺有司議曰禮臣不殤君皇帝年十有四歲宜以

禮歛加元服奏可葬康陵著紀五年壽十有四謚布治綱紀曰平

年號 元始五年

大師 孔光

大傅 王莽

大保 王舜

大司徒 馬宮 平晏

大司空 王崇 甄豐

西漢會要卷第一

西漢會要卷第二

從事郎前撫州州學教授 徐

天麟

上進

帝系二

太皇太后皇太后皇后

漢興因秦之稱號帝母稱皇太后祖母稱太皇太后

適稱皇后妾皆稱夫人 外戚傳

昭靈后高祖母媪也嘗息大澤之陂夢與神遇是時

雷電晦冥大公往視則見交龍於上已而有娠遂產

高祖高祖即位追尊母媪為昭靈夫人 漢儀注云高祖母兵起時

死小黃比後葬於小黃作陵廟 呂后七年尊曰昭靈后 以本紀修

高祖呂皇后 見帝號

三十五十六十七

高祖薄姬生文帝年八歲立為代王出從子之代為

代太后文帝即位尊太后為皇太后孝景即位尊為

太皇太后前二年崩葬南陵 以外戚傳及本紀修下同

孝惠張皇后宣平侯敖尚帝姊魯元公主有女惠帝

即位呂太后欲為重親以公主女配帝為皇后呂太

后崩廢處北宮孝文後元年薨葬安陵不起墳

孝文竇皇后景帝母也呂太后時以良家子選入宮

太后出宮人以賜諸王各五人誤置籍代伍中代王

獨幸竇姬生景帝文帝立數月公卿請立太子而竇

姬男最長立為太子竇姬為皇后景帝即位尊為皇

太后建元六年崩合葬霸陵

孝景薄皇后孝文薄太后家女也景帝為太子時薄太后取以為太子妃景帝立立薄妃為皇后無子立六年薄太后崩皇后廢廢後四年薨葬長安城東平望亭南

孝景王皇后武帝母也嫁為金王孫婦生一女矣母臧兒卜筮曰兩女當貴欲倚兩女奪金氏納太子宮生三女一男男方在身時王夫人夢日入其懷以告太子太子曰此貴兆也未生而文帝崩景帝即位王夫人生男會薄皇后廢立王夫人為皇后立九年景帝崩武帝即位為皇太后元朔三年崩合葬陽陵

孝武陳皇后長公主嫖女也嫖竇太后女也初武帝得立為

太子長主有力取主女為妃及帝即位立為皇后元

光五年賜皇后策曰皇后失序惑於巫祝不可以承天命其上璽綬罷退居長門宮後數年薨葬霸陵郎官亭東

孝武衛皇后字子夫為平陽主謳者武帝被霸上還過平陽主既飲謳者進帝獨說子夫主因奏送入宮元朔元年生男據遂立為皇后皇后立七年而男立為太子衛后立三十八年巫蠱事起皇后自殺宣帝立乃改葬謚曰思后置園邑三百家長丞周衛奉守焉

孝武趙婕妤昭帝母也武帝巡狩過河閒望氣者言

此有竒女天子亟使使召之既至女兩手皆拳上自披之手即時伸由是得幸號曰拳夫人進為婕妤居鉤弋宮大有寵生昭帝號鉤弋子任身十四月乃生上曰聞昔堯十四月而生今鉤弋亦然廼命其所生門曰堯母門婕妤從幸甘泉有過見譴以憂死因葬雲陽後上疾病乃立鉤弋子為皇太子明日帝崩昭帝即位追尊婕妤為皇太后發卒二萬人起雲陵邑孝昭上官皇后祖父桀受武帝遺詔輔少主昭帝初立年八歲桀子安有女即霍光外孫因帝姊鄂邑蓋長公主內安女後宮為婕妤月餘遂立為皇后年甫六歲後桀安謀廢立事發覺宗族既滅皇后以年少不與謀亦光外孫故得不廢皇后立十歲而昭帝崩后年十四五云昌邑王即位尊為皇太后宣帝即位為太皇太后凡立四十七年卒年五十二建昭二年合葬平陵

宣帝祖母戾后本衛太子史良娣也巫蠱事起遇害宣帝即位追尊曰戾后

宣帝母悼后本史皇孫王夫人也名翁須生宣帝數月衛太子敗家人子皆坐誅宣帝即位追尊母王夫人謚曰悼后與祖母戾后皆改葬起園邑長丞奉守孝宣許皇后元帝母也父廣漢坐論為鬼薪時宣帝養於掖庭號皇曾孫與廣漢同寺居廣漢有女平君

孝元王皇后成帝母王莽之姑也五鳳中獻入掖庭
宣帝選送太子宮生成帝字大孫宣帝崩太子即位
是為元帝立大孫為太子以母王妃為婕妤後三日
立為皇后元帝崩太子立是為成帝尊皇后為皇大
后哀帝即位為大皇太后哀帝崩無子大皇太后以
莽為大司馬共立中山王是為平帝平帝年九歲常
年被疾太后臨朝委政於莽莽踐祚居攝太后力不
能禁及莽即位更命大皇太后為新室文母年八十
四建國五年崩合葬渭陵

孝元傅皇后哀帝祖母也少為上官大后才人自元

帝為太子得進幸元帝即位立為婕妤行生定陶恭王
更號昭儀元帝崩傅昭儀隨王歸國稱定陶太后恭
王薨子代為王王母曰丁姬太后躬自養視成帝無
繼嗣遂立定陶王為太子哀帝即位尊定陶恭王為
恭哀皇帝傅太后為恭皇太后歲餘尊為帝大大后
丁姬為帝太后後又更帝大大后為皇大大后稱永
信宮帝太后稱中安宮而成帝母大皇太后本稱長
信宮成帝趙后為皇太后並四大后各置少府大僕
元壽三年崩合葬渭陵稱孝元傅皇后云

孝成許皇后大司馬車騎將軍平恩侯嘉女也元帝
悼傷母恭哀后居位日淺而遭霍氏之辜故選嘉女

以配皇太子成帝即位立為皇后是時大將軍鳳用事威權尤盛其後比三年日蝕言事者頗歸咎於鳳矣而谷永等遂著之許氏后姊為媚道祝詛事發覺許后坐廢處昭臺宮後九年賜藥自殺

孝成趙皇后本長安宮人號曰飛燕成帝召入宮大幸有女弟復召入俱為婕妤許后廢乃立婕妤為皇后弟為昭儀姊弟顓寵十餘年卒皆無子成帝崩民間歸罪趙昭儀皇太后詔治問皇帝起居發病狀昭儀自殺哀帝立尊趙皇后為皇太后哀帝崩王莽白太后貶皇太后為孝成皇后徙居北宮後月餘廢為庶人是日自殺

哀帝母丁太后定陶恭王姬也哀帝即位尊恭王為恭哀皇帝丁姬為恭皇后後又更為帝太后建平二年丁太后崩上令起陵恭皇之園哀帝崩王莽秉政使有司奏舉丁傅罪惡貶傅太后號為定陶共王母丁太后號曰丁姬又奏發共王母及丁姬冢取其璽綬葬又周棘其處以為世戒云

孝哀傳皇后定陶太后從弟子也哀帝為定陶王時傅太后欲重親取以配王王入為漢太子傅氏女為妃哀帝即位為皇后帝崩王莽白太皇太后廢為庶人自殺

孝平王皇后安漢公莽女也平帝即位年九歲成帝

母大皇太后稱制而莽秉政欲依霍光故事以女配
帝太后不得已而許之明年遣大司徒宮等奉乘輿
法駕迎皇后於安漢公第后立歲餘平帝崩莽立子
嬰尊皇后為皇太后莽即真以嬰為定安公改皇太
后為定安公太后太后時年十八矣漢兵誅莽自投
火中而死

雜錄

皇太后皇后公主所食曰邑

百官表

成帝即位康衡上疏曰匹配之際生民之始萬福之
原婚姻之禮正然後品物遂而天命全孔子論詩以
關雎為始言大上者民之父母后夫人之行不侔乎

三、八十五

西漢要二

七

江

天地則無以奉神靈之統而理萬物之宜故詩曰窈
窕淑女君子好仇言能致其正淑不貳其操情欲之
感無介乎容儀宴私之意不形乎動靜夫然後可以
配至尊而為宗廟主此綱紀之首王教之端也自上
世已來三代興廢未有不由此者也願陛下詳覽得
失盛衰之效以定大基采有德戒聲色近嚴敬遠技

能康衡傳

自上為太子時以好色聞及即位皇太后詔采良家
女杜欽因是說大將軍鳳曰禮壹取九女所以極陽
數廣嗣重祖也必鄉舉求窈窕不問華色所以助德
理內也娣姪雖缺不復補所以養壽塞爭也故后妃

有正淑之行則繼嗣有賢聖之君制度有威儀之節則人君有壽考之福廢而不由則女德不厭女德不厭則壽命不究於高年書云或四三年言失欲之生害也男子五十好色未衰婦人四十容貌改前以改前之容侍於未衰之年而不以禮爲制則其原不可救而後徠異態後徠異態則正后自疑而支庶有間適之心是以晉獻被納讒之謗申生蒙無罪之辜今聖主富於春秋未有適嗣方鄉術入學未親后妃之議將軍輔政宜因始初之隆建九女之制詳擇有行義之家求淑女之質毋必聲色音技能爲萬世大法夫少戒之在色小下之作可爲寒心唯將軍常以爲憂鳳白之大后大后以爲故事無有欽復重言詩云殷監不遠在夏后氏之世刺戒者至迫近而省聽者常怠忽可不謹哉前言九女略陳其禍福甚可悼懼竊恐將軍不深留意后妃之制天壽治亂存亡之端也迹三代之季世覽宗宣之饗國察近屬之符驗禍敗曷常不由女德是以佩王晏鳴關雎歎之知好色之伐性短年離制度之生無厭天下將蒙化陵夷而成俗也故詠淑女幾以配上忠孝之篤仁厚之作也夫君親壽尊國家治安誠臣子之至願所當勉之也易曰正其本萬物理凡事論有疑未可立行者求之往古則典刑無考之來今則吉凶同卒搖易之則民

心惑若是者誠難施也今九女之制合於往古無害於今不逆於民心至易行也行之至有福也將軍輔政而不蚤定非天下之所望也唯將軍信臣子之願念關雎之思逮委政之隆及始初清明爲漢家建無窮之基誠難以忽不可以違鳳不能自立法度循故事而已杜欽傳

河平元年夏四月己亥晦日有食之詔公卿百僚陳過失無有所諱光祿大夫劉向對曰四月交於五月月同孝惠日同孝昭其占恐害繼嗣是時許皇后專寵後宮希得進見中外皆憂上無繼嗣故杜欽谷永及向所對皆及之上於是減省椒房掖庭用度服御

輿駕所發諸宮官府及所造作遺賜外家羣臣妾皆如竟寧以前故事皇后上疏自陳以爲時世異制長短相補不出漢制而已纖微之間未必可同若竟寧前與黃龍前豈相放哉家吏不曉今壹受詔如此且使妾搖手不得設妾欲作其屏風張於某所曰故事無有或不能得則必繩妾以詔書矣此誠不可行唯陛下省察故事以特牛祠大父母戴侯敬侯皆得蒙恩以大牢祠今當率如故事唯陛下哀之今吏甫受詔讀記直豫言使后知之非可復若私府有所取也其萌芽所以約制妾者恐失人理唯陛下深察焉上於是采谷永劉向所言災異各驗皆在後宮之意以

報之且曰吏拘於灋亦安足過蓋矯枉者過直亦
同之且財幣之省特牛之祠其於皇后所以扶助德
美為華寵也各根不除災變相襲祖宗且不血食何
戴戾也傳不云虐以約失之者鮮審皇后欲從其奢
與朕亦當灋孝武皇帝也如此則甘泉建章可復興
矣孝文皇帝朕之師也皇太后皇后成灋也假使大
后在彼時不如職今見親厚又惡可以踰虐皇后其
刻心秉德謙約為右垂則列妾使有灋焉外傳

永始元年帝欲立趙婕妤為皇后先下詔封婕妤父
臨為列侯劉輔上書言臣聞天之所與必先賜以符
瑞天之所違必先降以災變此神明之證應自然之

占驗也昔武王周公承順天地以饗魚鳥之瑞然猶
君臣祇懼動色相戒況於季世不蒙繼嗣之福屢受
威怒之異者虐雖夙夜自責改過易行畏天命念祖
業妙選有德之世孝卜窈窕之女以承宗廟順神祇
心塞天下望子孫之祥猶恐晚暮今廼觸情縱欲傾
於里賤之女欲以母天下不畏于天不媿于人惑莫
大焉里語曰腐木不可以為柱卑人不可以為主天
人之所不予必有禍而無福市道皆共知之朝廷莫
肯壹言臣竊傷心自念得以同姓拔擢尸祿不忠污
辱諫爭之官不敢不盡死唯陛下深察書奏上使侍
御史收縛輔繫掖庭祕獄

初哀帝即位成帝母稱大皇太后成帝趙皇后稱皇
太后而上祖母傳太后與母丁后皆在國邸自以定
陶共王為稱高昌侯董宏上書言秦莊襄王母本夏
氏而為華陽夫人所子及即位後俱稱太后宜立定
陶共王后為皇太后事下有司時師丹以左將軍與
大司馬王莽共劾奏宏知皇太后至尊之號天下一
統而稱引云秦以為比喻誑誤聖朝非所宜言大不
道上新立謙遜納用莽丹言免宏為庶人傳太后大
怒要上欲必稱尊號上於是追尊定陶共王為共皇
帝尊傳太后為共皇太后丁后為共皇后郎中令冷
襄黃門郎段猶等復奏言定陶共皇太后共皇后皆

不宜復引定陶蕃國之名以冠大號車馬衣服宜皆
稱皇之意置吏二千石以下各共厥職又宜為共皇
立廟京師上復下其議有司皆以為宜如襄猶言丹
議獨曰聖王制禮取法於天地故尊卑之禮明則人
倫之序正人倫之序正則乾坤得其位而陰陽順其
節人主與萬民俱蒙祐福尊卑者所以正天地之位
不可亂也今定陶共皇太后共皇后以定陶共為號
者母從子妻從夫之義也欲立官置吏車服與大皇
太后並非所以明尊卑云云上之義也定陶共皇號
蓋已前定義不得復改

師丹傳

三宮

王嘉傳貢獻三宮師古曰
三宮天子太后皇后也

兩宮

五行志兩宮親屬師古曰謂太后家王氏皇后家趙氏故云親屬

東宮

古曰東宮太后所居也

中宮

古曰中宮皇后之宮

東朝

灌夫傳東朝廷辨之如

永信宮中安宮長信宮

傳昭儀皇太后稱中安宮成帝母

皇太后稱長信宮

椒房

車千秋傳未央椒房師古曰椒房殿名皇

青蒲

史丹傳應劭曰青蒲非皇后不得至此

西漢會要卷第二

西漢會要卷第三

從事郎前撫州州學教授 呂 涂 天麟 上進

帝系三

皇太子

漢二年六月立太子敖罪人 高紀

五年漢王即皇帝位太子曰皇太子 高紀

惠帝即位太后立帝姊魯元公主女為皇后無子取後宮美人子名之以為太子 高后紀

孝文元年正月有司請蚤建太子所以尊宗廟也詔曰朕既不德上帝神明未歆饗也天下人民未有慝志今縱不能博求天下賢聖有德之人而嬪天下焉

三十五

而曰豫建太子是重吾不德也謂天下何其安之有司曰豫建太子所曰重宗廟社稷不忘天下也上曰楚王季父也春秋高闕天下之義經多矣明於國家之體吳王於朕兄也淮南王弟也皆秉德以陪朕豈為不豫哉諸侯王宗室昆弟有功臣多賢及有德義者若舉有德以陪朕之不能終是社稷之靈天下之福也今不選舉焉而曰必子人其以朕為忘賢有德者而專於子非所以憂天下也朕甚不取有司因請曰古者殷周有國治安皆且千歲有天下者莫長焉用此道也立嗣必子所從來遠矣高帝始平天下建諸侯為帝者大祖諸侯王列侯始受國者亦皆為其

國祖子孫繼嗣世世不絕天下之大義也故高帝設之以撫海內今釋宜建而更選於諸侯宗室非高帝之志也更議不宜子啓最長淳厚慈仁請建以爲大子上乃許之因賜天下民當爲父後者爵一級本紀

孝景四年立皇子榮爲皇太子本紀

七年正月廢皇太子榮爲臨江王四月丁巳立皇子徹爲皇太子賜民爲父後者爵一級本紀

孝武元狩元年夏四月丁卯立皇太子賜中二千石爵右庶長民爲父後者一級本紀

征和二年七月按道侯韓說使者江充等掘蠱太子宮壬午太子與皇后謀斬充呂節發兵與丞相劉屈

西漢會要卷三十一

陳文

釐大戰長安死者數萬人庚寅太子亡皇后自殺八月辛亥太子自殺于湖本紀

武帝末戾太子敗燕王旦廣陵王胥行驕嫚後元二年二月上疾病遂立昭帝爲太子年八歲明日武帝

崩太子即皇帝位昭紀

孝宣地節三年立皇太子大赦天下賜御史大夫爵關內侯二千石爵右庶長天下當爲父後者爵一級

本紀

五鳳元年正月皇太子冠皇太后賜丞相將軍列侯中二千石帛人百匹大夫八十八匹夫人六十四匹又賜列侯嗣子爵五大夫男子爲父後者爵一級本紀

孝成皇帝元帝太子也母曰王皇后元帝在大子宮
生甲觀畫堂爲世嫡皇孫宣帝愛之字曰大孫常置
左右年三歲而宣帝崩元帝即位帝爲大子壯好經
書寬博謹重初居桂宮上嘗急召大子出龍樓門不
敢絕馳道西至直城門得絕乃度還入作室門上遲
之問其故以狀對上大說乃著令令大子得絕馳道
云其後幸酒樂燕樂上不以爲能而定陶恭王有材
藝母傅昭儀又愛幸上以故常有欲以恭王爲嗣
賴侍中史丹護大子家輔助有力上亦以先帝尤愛
大子故得無廢竟寧元年五月元帝崩六月己未大
子即皇帝位成紀

成帝綏和元年二日癸丑詔曰朕承大祖鴻業奉宗
廟二十五年德不能綏理宇內百姓怨恨者衆不蒙
天祐至人未有繼嗣天下無所係心觀于往古近事
之戒禍亂之萌皆由斯焉定陶王欣於朕爲子慈仁
孝順可以承天序繼祭祀其立欣爲皇太子封中山
王舅諫大夫馮參爲冑鄉侯益中山國三萬戶以慰
其意賜諸侯王列侯金天下當爲父後者爵三老孝
弟力田帛各有差紀

孝哀皇帝元帝庶孫定陶恭王子也母曰丁姬年三
歲嗣立爲王長好文辭法律元延四年入朝盡從傳
相中尉時成帝少弟中山孝王亦來朝獨從傳上怪

之以問定陶王對曰令諸侯王朝得從其國二千石
傅相中尉皆國二千石故盡從之上令誦詩通習能
說他日問中山王獨從傅在何法令不能對令誦尚
書又廢及賜食於前後飽起下鞮係解成帝由此以
爲不能而賢定陶王數稱其材時王祖母傅太后隨
王來朝私賂遺上所幸趙昭儀及帝舅票騎將軍曲
陽侯王根昭儀及椒見上亡子亦欲豫自結爲長久
計皆更稱定陶王勸帝以爲嗣成帝亦自美其材爲
加元服而遣之時年十七矣明年使執金吾任宏守
大鴻臚持節召定陶王立爲皇太子謝曰臣幸得繼
父守藩爲諸侯王材質不足以假充太子之宮陛下

聖德寬仁敬承祖宗奉順神祇宜蒙福祐子孫千億
之報臣願且得留國邸旦夕奉問起居侯有聖嗣歸
國守藩書奏天子報聞後月餘立楚孝王孫景爲定
陶王奉恭王祀所以獎厲太子專爲後之誼哀紀

雜錄上

高帝欲廢太子立戚夫人子趙王如意大臣多爭未
能得堅決也呂后恐不知所爲或謂呂后曰向產善
畫計上信用之呂后乃使建成侯呂澤劫良曰君常
爲上謀臣今上日欲易太子君安得高枕而卧良曰
始上數在急困之中幸用臣策今天下安定以愛欲
易太子骨肉之間雖臣等百人何益呂澤彊要曰爲

我書計良曰此難以口舌爭也顧上有所不能致者
四人四人年老矣皆以工嫚媿士故逃匿山中義不
為漢臣然上高此四人今公誠能母愛金玉璧泉令
太子為書卑辭安車因使辯士固請宜來來以為客
時從入朝令上見之則一助也於是吕后令吕澤使
人奉太子書卑辭厚禮迎此四人四人至客建成舍
所漢十一年黥布反上疾欲使太子往擊之四人相
謂曰凡來者將以有太子太子將兵事危矣迺說建
成侯曰太子將兵有功即得不益無功則從此受禍
且太子所與俱諸將皆與上定天下梟將也今迺使
太子將之此無異使羊將狼皆不肯為用其無功必

矣臣聞母愛者子抱今戚夫人日夜侍御趙王常居
前上終不使不肯子吾愛子上明其代太子位必矣
君何不急請吕后承間為上泣言黥布天下猛將善
用兵今諸將皆陛下故等夷迺令太子將此屬莫肯
為用且布聞之鼓行而西耳上雖寤彊載輜車卧而
護之諸將不敢不盡力上雖苦彊為妻子計於是吕
澤夜見吕后吕后承間為上泣而言如四人意上曰
吾惟之孺子固不以遣迺公自行耳於是上自將而
東羣臣居守皆送至霸上良疾彊起至曲郵見上曰
臣宜從疾甚楚人剽疾願上謹毋與楚爭鋒因說上
令太子為將軍監關中兵上謂子安雖疾彊卧傳大

子是時叔孫通已爲大傅良行少傅事漢十二年上
從破布歸疾益甚愈欲易太子良諫不聽因疾不視
事叔孫大傅稱說引古以死爭太子卜陽許之猶欲
易之及宴置酒太子侍四人者從太子年皆八十有
餘須眉皓白衣冠甚偉上怪問曰何爲者四人前對
各言其姓名上廼驚曰吾求公避逃我今公何自從
吾兒游乎四人曰陛下輕士善罵臣等義不辱故恐
而亡匿今聞太子仁孝恭敬愛士莫不延頸願爲大
子死者故臣等來上曰煩公幸卒調護太子四人爲
壽已畢趨去上目送之召戚夫人指視曰我欲易之
彼四人爲之輔羽翼已成難動矣呂氏真廼主矣張良傳

叔孫通爲太子大傅高帝欲以趙王如意易太子通
諫曰昔者晉獻公以驪姬故廢太子立奚齊晉國亂
者數十年爲天下笑秦以不早定扶蘇胡亥詐立自
使滅祀此陛下所親見今太子仁孝天下皆聞之呂
后與陛下攻苦食啖師古曰當作淡其可背哉陛下必欲廢
適而立少臣願先伏誅以頸血汗地高帝曰公罷矣
吾特戲耳通曰太子天下本壹搖天下震動奈何
以天下戲高帝曰吾聽公及上置酒見留侯所招客
從太子入見上遂無易太子志矣叔孫通傳
高帝欲廢太子而立戚姬子如意爲太子大臣固爭
莫能得上以留侯策止而周昌庭爭之疆上問其說

昌為人吃又盛怒曰臣口不能言然臣期期知其不可陛下欲廢太子臣期期不奉詔上欣然而笑即罷呂后側耳於東廂聽見昌爲跪謝曰微君太子幾廢

周昌傳

孝文時鼂錯爲太子舍人門大夫遷博士又上書言人主所以尊顯功名揚於萬世之後者以知術數也故人主知所以臨制臣下而治其衆則羣臣畏服矣知所以聽言受事則不欺蔽矣知所以安利萬民則海內必從矣知所以忠孝事上則臣子之行備矣此四者臣竊爲皇太子急之人臣之議或曰皇太子亡以知事爲也臣之愚誠以爲不然竊觀上世之君不

四十四

西漢書卷之三

七

昌

能奉其宗廟而劫殺於其臣者皆不知術數者也皇太子所讀書多矣而未深知術數者不問書說也夫多誦而不知其說所謂勞苦而不爲功臣竊觀皇太子材智高竒馭射伎藝過人絕遠然於術數未有所知者以陛下爲心也竊願陛下幸擇聖人之術可用也世者以賜皇太子因時使太子陳明於前唯陛下察上善之於是拜錯爲太子家令以其辯得幸太子太子家號曰智囊

鼂錯傳

文帝時賈誼上書曰古之王者太子廼生固舉以禮使士負之有司齋肅端冕見之南郊見于天也過闕則下過廟則趨孝子之道也故自爲赤子而教周禮

行矣昔者成王幼在襁抱之中召公爲太保周公爲太傅大公爲太師保保其身體傅傅之真義師道之教訓此三公之職也於是爲置三少皆上大夫也曰少保少傅少師是與太子宴者也故廼孩提有識三公三少固明孝仁禮義以道習之逐去邪人不使見惡行於是皆選天下之端士孝悌博聞有道術者以衛翼之使與大子居處出入故大子廼生而見正事聞正言行正道左右前後皆正人也夫習與正人居之不能毋正猶生長於齊不能不齊言也習與不正人居之不能毋不正猶生長於楚之地不能不楚言也故擇其所者必先受業廼得嘗之擇其所樂必先

有習廼得爲之孔子曰少成若天性習貫如自然及大子少長知妃色則入于學學者所學之官也及大子旣冠成人免於保傅之嚴則有記過之史徹膳之宰進善之旌誅謗之木敢諫之鼓瞽史誦詩工誦箴諫大夫進謀士傳民語習與智長故切而不媿化與心成故中道若性三代之禮春朝朝日秋暮夕月所以明有敬也春秋入學坐國老執醬而親餽之所以明有孝也行以鸞和步中采齊趣中肆夏所以明有度也其於禽獸見其生不食其死聞其聲不食其肉故遠庖厨所以長恩且明有仁也夫三代之所以長久者以其輔翼大子有此具也天下之命垂於大子

大子之善在於早諭教與選左右夫心未濫而先諭教則化易成也關於道術智誼之指則教之力也若其服習積貫則左右而已臣故曰選左右早諭教最急夫教得而左右正則大子王矣大子正而天下定矣賈誼傳

大子與梁王共車入朝不下司馬門張釋之追止大子梁王毋入殿門遂劾不下公門不敬奏之薄太后聞之文帝免之謝曰教兒子不謹薄太后使使承認赦大子然后得入文帝繇是竒釋之張釋之傳

西漢會要卷第四

從事郎前撫州學士教授徐

天麟 上進



帝系四

皇太子下 雜錄下

孝景前三年梁孝王入朝是時上未置太子與孝王
言曰千秋萬歲後傳於王王辭謝雖知非至言然心
內喜明年漢立太子前七年上廢栗太子太后心欲
以梁王為嗣大臣及爰盎等有所關說於帝太后議
格孝王不敢復言太后以嗣事

三

景帝弟梁孝王母竇太后愛之孝王朝因燕昆弟飲
是時上未立太子酒酣上從容曰千秋萬歲後傳王

三四

太后驪竇嬰引卮酒進上曰天下者高祖天下父子
相傳漢之約也上何得以傳梁王太后由此憎嬰

亦薄其官 竇嬰傳

武帝春秋二十九廼得皇子枚舉與東方朔作皇大
子生賦及立皇子襟祝受詔所為皆不從故事重皇

子也 枚舉傳

孝武皇帝六男衛皇后生戾太子據元狩元年立為
皇太子年七歲矣初上年二十九乃得太子甚喜為
立襟使東方朔枚舉作襟祝少壯詔受公羊春秋又
從瑕丘江公受穀梁及冠就宮上為立博望苑使通
賓客從其所好故多以異端進者武帝末衛后寵衰

江充用事充與太子及衛氏有隙恐上晏駕後爲太子所誅會巫蠱事起充因此爲姦是時上春秋高意多所惡以爲左右皆爲蠱道祝詛窮治其事丞相公孫賀父子陽石諸邑公主及皇后弟子長平侯衛伉皆坐誅充典治巫蠱既知上意白言宮中有蠱氣入宮至省中壞御座掘地上使按道侯韓說御史章贛黃門蘇文等助充充遂至太子宮掘蠱得桐木人時上疾辟暑甘泉宮獨皇后太子在太子召問少傅石德德懼爲師傅并誅因謂太子曰前丞相父子兩公主及衛氏皆坐此今巫與使者掘地得證驗不知巫置之邪將實有也無以自明可矯以節收補充等繫

獄窮治其姦詐且上疾在甘泉皇后及家吏請問皆不報上存亡未可知而姦臣如此太子將不念秦扶蘇事邪太子急然德言征和二年七月壬午乃使客爲使者收補充等按道侯說疑使者有詐不肯受詔客格殺說御史章贛被創突亡自歸甘泉太子使舍人無且持節夜入未央宮殿長秋門因長御倚華具白皇后發中廐車載射士出武庫兵發長樂宮衛告令百官曰江充反廼斬充以徇炙胡巫上林中遂辭賓客爲將率與丞相劉屈氂等戰長安中擾亂言太子反以故衆不附太子兵敗亡不得上怒甚羣下憂懼不知所出壺關三老茂上書曰臣聞父者猶天母

者猶地子猶萬物也故天平地安陰陽和調物迺茂成父慈母愛室家之中子迺孝順陰陽不和則萬物夭傷父子不和則室家喪亡故父不父則子不子君不君則臣不臣雖有粟吾豈得而食諸昔者虞舜孝之至也而不中於瞽叟孝已被謗伯奇放流骨肉至親父子相疑何者積毀之所生也由是觀之子無不孝而父有不察今皇太子爲漢適嗣承萬世之業體祖宗之重親則皇帝之宗子也江充布衣之人閭閻之隸臣耳陛下顯而用之銜至尊之命以迫釐皇太子造飾姦詐羣邪錯謬是以親戚之路鬲塞而不通太子進則不得上見退則困於亂臣獨寃結而亡告

不忍忿忿之心起而殺充恐懼逋逃子盜父兵以救難自免耳臣竊以爲無邪心詩曰營營青蠅止于藩愷悌君子無信讒言讒言罔極交亂四國往者江充讒殺趙太子天下莫不聞其罪固宜陛下不省察深過太子發盛怒舉大兵而求之三公自將智者不敢言辯士不敢說臣竊痛之臣聞子胥盡忠而忘其號比干盡仁而遺其身忠臣竭誠不顧鈇鉞之誅以陳其愚志在正君安社稷也詩云取彼讒人投畀豺虎唯陛下寬心慰意少察所親母患太子之非亟罷甲兵無令太子久亡臣不勝惓惓出一旦之命待罪建章闕下書奏天子感寤太子之亡也東至湖藏匿泉

鳩里主人家貧常賣獲以給太子太子有故人在湖
聞其富贍使人呼之而發覺吏圍捕太子太子自度
不得脫即入室距戶自經山陽男子張富昌為卒足
蹋開戶新安令史李壽趨抱解太子主人公遂格闕
死皇孫二人皆并遇害上既傷太子乃下詔曰蓋行
疑賞所以申信也其封李壽為邗侯張富昌為題侯
久之巫蠱事多不信上知太子惶恐無他意而車千
秋復訟太子寃上遂擢千秋為丞相而族滅江充家
焚蘇文於橫橋上及泉鳩里加兵刃於太子者初為
北地太守後族上憐太子無辜乃作思子宮為歸來
望思之臺於湖天下聞而悲之 矣太子傳

宣帝地節三年立皇太子選丙吉為大傅䟽廣為少
傅數月吉遷御史大夫廣徙為大傅廣兄子受字公
子亦以賢良舉為太子家令受好禮恭敬敏而有辭
宣帝幸太子宮受迎謁應對及置酒宴奉觴上壽辭
理閑雅上甚驩說頃之拜受為少傅太子外祖父特
進平恩侯許伯以為太子少白使其弟中郎將舜監
護太子家上以問廣廣對曰太子國儲副君師友必
於天下英俊不宜獨親外家許氏且太子自有太傅
少傅官屬已備今復使舜護太子家視陋非所以廣
太子德於天下也上善其言以語丞相魏相相免冠
謝曰此非臣等所能及廣繇是見器重數受賞賜大

子每朝因進見大傅在前少傅在後父子並為師傅
朝廷以為榮

疏廣傳

大子既壯大柔仁好儒且宣帝所用多文法吏以刑
名繩下大臣楊惲蓋寬舒等坐刺譏辭語為罪而誅
嘗侍燕從容言陛下持刑太深宜用儒生宣帝作色
曰漢家自有制度本以霸王道雜之奈何純任德教
用周政乎且俗儒不達時宜好是古非今使人眩於
名實不知所守何足委任惲歎曰亂我家者大子也
繇是疏大子而愛淮陽王曰淮陽王明察好法宜為
吾子而王母張婕妤尤吉上有意欲用淮陽王代大
子然以少依許氏俱從微起故終不肯焉

元紀

張婕妤有寵於宣帝霍皇后廢後上欲立張婕妤為
后久之懲艾霍氏欲害皇后大子廼更選後宮無子而
謹重者廼立長陵王婕妤以為后令母養大子后無寵
希御見唯婕妤最幸子以淮陽憲王壯大好經書法律
聰達有材帝甚愛之太后寬仁喜儒術上嗟歎憲王
曰真我子也嘗有意欲立張婕妤與憲王然用大子
起於微細上少依倚許氏及即位而許后以殺死大
子蚤失母故弗忍也父之上以韋元成遜侯兄經明
行高稱於朝廷廼召拜元成為淮陽中尉欲感論憲
王輔以推遜之臣由是大子遂安

淮陽憲王傳

元帝即位史丹為駙馬都尉侍中出常驂乘甚有寵

上以丹舊臣皇考外屬親信之詔丹護太子家是時
傳昭儀子定陶共王有以執子母俱愛幸而太子頗
有酒色之失母王皇后益寵建昭之間元帝被疾不
親政事留好音樂或置鼓鼙殿下天子自臨軒檻上
墮銅圓以擿鼓聲中嚴此之節後宮及左右習知音
者莫能爲而定陶王亦能之上數稱其材丹進曰凡
所謂材者敏而好學溫故知新皇太子是也若廼器
人於絲竹鼓鼙之間則是陳惠李微高於康衡可相
國也於是上嘿然而咲其後中山哀王薨太子前弔
哀王者帝之少弟與太子游學相長大上望見太子
感念哀王悲不能自止太子既至前不哀上大恨曰

安有人不慈仁而可奉宗廟爲民父母者乎上以責
謂丹丹免冠謝上曰臣誠見陛下哀痛中山王至以
感損向者太子當進見臣竊戒屬母涕泣感傷陛下
罪廼在臣當死上以爲然意廼解丹之輔相皆此類
也竟寧元年上寢疾傳昭儀及定陶王常在左右而
皇太子希得進見上疾稍侵意忽忽不平數問尚書
以景帝時立膠東王故事是時太子長舅陽平侯王
鳳爲衛尉侍中與皇太子皆憂不知所出丹以親密
臣得侍視疾候上間獨寢時丹直入卧內頓首伏青
蒲上涕泣言曰皇太子以適長立積卜餘年名號繫
於百姓天下莫不歸心臣子見定陶王雅素愛幸今

者道路流言爲國生意以爲大子有動搖之議審若此公卿以下必以死爭不奉詔臣願先賜死以示羣臣天子素仁不忍見丹涕泣言又切至上意大感喟然大息曰吾日困劣而大子兩王幼少意中戀戀亦何不念乎然無有此議且皇后謹審先帝又愛大子吾豈可違指駙馬都尉安所受此語丹即却頓首曰愚臣妾聞罪當死上因納謂丹曰吾病寢加恐不得自還善輔道大子毋違我意丹噓唏而起大子由是遂爲嗣矣

史冊傳

四十一
五
綏和中上即位二十五年無繼嗣至親有同產弟中山孝王及同產弟子定陶王在定陶王好學多材於

五

七

五

帝子行而王祖母傳太后陰爲王求漢嗣私事趙皇后昭儀及帝舅大司馬驃騎將軍王根故皆勸上上於是召丞相翟方進御史大夫光右將軍廉褒後將軍朱博皆引入禁中議中山定陶王誰可爲嗣者方進根以爲定陶王帝弟之子禮曰昆弟之子猶子也爲其後者爲之子也定陶王宜爲嗣褒博皆如方進根議孔光獨以爲禮立嗣以親中山王先帝之子帝親弟也以尚書般庚般之及王爲比中山王宜爲嗣上以禮兄弟不相入廟又皇后昭儀欲立定陶王故遂立爲大子光以議不中意左遷廷尉

孔光傳

皇子

大上皇四男高祖兄伯蚤卒追封武哀侯高后六年
追封武哀王次兄仲名喜初封宜信侯漢六年立為
代王匈奴攻代仲棄國自歸天子不忍致法廢為合

陽侯楚元王交高祖同父少弟也自有傳以本紀及吳王濞傳修

高皇帝八男吕后生孝惠帝曹夫人生齊悼惠王肥

薄姬生孝文帝戚夫人生趙隱王如意趙姬生淮南

厲王長諸姬生趙幽王友趙共王恢燕靈王建高五王傳

孝文皇帝四男竇皇后生孝景帝梁孝王武諸姬生

代孝王參梁懷王揖文三王傳

孝景皇帝十四男王皇后生孝武皇帝栗姬生臨江

閔王榮河閒獻王德臨江哀王閔程姬生魯共王餘

四王母 五王母

王傳

江都易王非膠西于王端賈夫人生趙敬肅王彭祖

中山靖王勝唐姬生長沙定王發王夫人生廣川惠

王越膠東康王寄清河哀王乘常山憲王舜景十一王傳

孝武皇帝六男衛皇后生戾太子趙婕妤生孝昭帝

王夫人生齊懷王閔李姬生燕刺王旦廣陵厲王胥

李夫人生昌邑哀王髡武五子傳

孝宣皇帝五男許皇后生孝元帝張婕妤生淮陽憲

王欽衛婕妤生楚孝王躡公孫婕妤生東平思王宇

戎婕妤生中山哀王竟宣元六王傳

孝元皇帝三男王皇后生孝成帝傅昭儀生定陶共

王康馮昭儀生中山孝王興宣元六王傳

雜錄

五宗司馬遷傳作五宗並家師古曰景帝子凡十三
人為王而母五人所生遷謂同母者為一宗故
云五宗也

西漢會要卷第四

